



Xibelani xa Kulani



Majoni Jonas Zitha



Kulani na Risuna a va ri vanghana.

A va ringana naswona a va tlangela siku ra vona ra ku velekiwa swin'we.

“Ndzi lava ku hatla ndzi ya fika ekaya ndzi ta pfula tinyiko ta mina,” ku vula Kulani.

“Na mina!” ku vula Risuna.



Siku leri landzelaka Kulani na Risuna a va tlanga swin'we.

“Xana manana na tatana wa wena va ku xaverile yini hi siku ra wena ro velekiwa?” ku vutisa Kulani.





“Va ndzi xaverile xikanyakanya. Hi xona lexi a ndzi xi lava. Wena va ku xaverile yini?” ku vutisa Risuna.



“Va ndzi xaverile xibelani,” ku hlamula Kulani.

“Xibelani! Xibelani i xa lavakulu, a hi xa vana!” ku vula Risuna.





“Na vana va cina. Manana u ri hi fanele hi kula hi titoloveta ku cina xibelani,” ku vula Kulani.

Risuna u hlekile kutani a famba.



Hi siku ro tlangela mfuwo wa rixaka vana va fikile eka holo ya muganga va sasekile.

Risuna a tsanile hikuva a nga ambalanga xibelani siku rero.





Risuna u vonile Kulani.

“Xibelani xa wena xi sasekile. Ndzi tsanile hikuva ndzi hava,” ku vula Risuna.



“Ndzi lava ku muka ndzi ya ekaya,” ku vula Risuna hi ku tsana.

“Yima. U nga fambi, Risuna. Tana u ta vona mina ndzi cina!” ku vula Kulani.





Risuna u hlalerile Kulani a ri karhi a cina
xibelani a tsakile.

Kulani u nyikiwile sagwati ra xibelani xo
saseka!



Kulani u amukerile sagwati ra vuhlalu.

Kutani Kulani na Risuna va mukile swin'we.





“Ndza swi tiva leswaku ndzi ta kombela yini hi siku ra mina ro velekiwa nkarhi lowu taka!” ku vula Risuna.

“Xibelani!” ku vula Kulani, a ri karhi a n’wayitela. “Kutani hi ta kota ku cina swin’we!”